



Le Page

Belong 32912

H A R A N G V E

F V N E B R E.

Sur la mort de Tres-illustre Seigneur
Messire Nicolas de Verdun, Che-
ualier, Conseiller du Roy en ses
Conseils d'Estat & Priué, & pre-
mier President en sa Cour de Par-
lement de Paris.

*Prononcee deuant ledit Parlement dans l'E-
glise des Iacobins reformez de la Congre-
gation Occitaine, au fauxbourg S. Ho-
noré, Par vn Religieux du
mesme Conuent, le 27.
de Mars 1627.*



A P A R I S,
Chez GERVAIS ALLIOT, au Palais, proche
la Chappelle S. Michel.
M. DC. X X V I I.

EXHIBIT
1627

Case

F

39

326

1627 Le

RECEIVED

1627



ABSTVLIT DOMINVS

*omnes magnificos meos de medio
mei vocauit aduersum me tem-
pus, idcirco ego plorans &
oculus meus deducens a-
quas. Thren. i.*

PAuure France : te verrons
nous tousiours empresse
dans les funerailles, reue-
stue de deuil & pleine de lar-
mes, sacrifier à la douleur,
pour la cheute des principales colom-
nes de la felicité? Faut-il que la mort
triomphe si souuent de ta gloire, & por-
tant par terre les plus chers appuis de
ton bon-heur, enseuelisse dās les plain-
tes tant de splendeur dont tu parois si
brillante aux iours de tes ioyes & con-

Thecnorū

■

*Versa est in
 luctum cy-
 tharam et
 organū meū
 in vocem fle-
 ium. iob. 30.
 Omnem et a-
 e. n. de mori-
 bus suis que-
 ram, ait Se-
 neca, addo ego
 omnem ha-
 buisse quod
 periretur
 habituramq;
 manem quod
 periretur.
 Franc. Petr.
 le re. f. dial.
 15.*

tentemens? *Quomodo obtexit caligine Do-
 minus filiam Sion?* où est le Soleil de cette
 magnifique Cour? & comment s'est peu
 faire que cette Françoisse Sion ait trou-
 ué son lustre offusqué par les tenebres
 de la mort: *obliuioni tradidit Dominus in
 Sion festiuitatem & sabbatum;* Il n'est plus
 temps de rire, tes festes sont changées
 en iours de douleur, le son melodieux
 de tes luts en gemissemens, & celui de
 tes orgues en des voix qui nous rendent
 semblables à ceux qui se plainnēt. Tous
 les siecles passez ont eu de quoy se plain-
 dre (dit Senèque) tous ceux qui vien-
 dront apres auront de quoy se dōuloir
 (adiouste vn autre) & toy en vn mesme
 siecle & pendant vn mesme aage tu as
 beaucoup de choses à pleurer, & plu-
 sieurs personnes à regretter qui se trou-
 uent à dire au nombre de ceux qui gou-
 uernent la Republique: Hé! que tu as
 bien raison de dire, que Dieu courrou-
 cé contre toy a retiré du milieu de ton
 corps les plus magnifiques personna-
 ges, qu'il t'a donné pour ennemy vn
 temps vieillissant & ruinant tout, qui
 par vne suite de maux dont il entre-
 prend de trauerſer ton contentement,

apres la perte de tant d'autres grands esprits , a rafraischy tes playes en la mort de tres-illustre Seigneur Messire Nicolas de Verdun , Cheualier, Conseiller du Roy en ses Conseils d'Estat & Priué, & Premier President en sa Cour de Parlement de Paris.

Importune necessité! qui semble commander & à toy de t'affliger, & à moy de faire parler mes yeux avec ma bouche au discours que i'ay à faire de ses vertus: chose pourtant aussi difficile comme de seruir à deux maistres ; & de fait vne guerre intestine & vn combat de deux sentimens contraires s'esleue en mon esprit qui le met en vn empressement extraordinaire. Pleurer la mort de Monseigneur de Verdun, c'est ignorer l'immortalité que ses vertus luy ont acquises; & ne la pleurer pas, c'est trahir l'affection que nous auons tousiours eu pour luy. Le pleurer seroit estre ingrat à l'endroit de la diuine prouidence qui a couronné sa vie d'une tres-sage & tres-prudente vieillesse, & ne le pleurer pas seroit estre insensible. Les objects extérieurs qui se presentent à mes yeux accroissent la difficulté que i'ay de me re-

*Prolelaubi-
luctusubi-
pauor. 2.
durima mor-
is imago 2.
En.*

foudre. Ces lumieres qui semblent pre-
supposer que le Soleil se soit caché: C'est
autel, ces illustres personages, ces mu-
railles reuestuës de la couleur des tene-
bres, & portans par tout l'image de la
mort m'inuitent aux larmes. Mais cette
auguste assemblée, que ie peux dire la
plus belle de l'Vniuers, Cette grand^e
Cour, où naissent les demy-Dieux, Cet-
te nourrice des beaux esprits, Cette
source d'hommes capables de gouver-
ner des mondes, m'inuitent aux loüan-
ges, aux applaudissemens & aux conso-
lations. Quelle apparence pourtant
de se consoler si tost d'une si grãde per-
te? Mais quelle apparence de ne se con-
soler point à la veuë d'une si belle espe-
rance de la recouurer? Vis-ie jamais vn
deuil si noir? Mais vis-ie jamais vne as-
semblée si splendide? Vis-ie jamais tant
de pleurs? Mais vis-ie jamais tant de cõ-
stãce à ne s'affliger de rien? Vis-ie jamais
vn si grand object de tristesse? Mais en
vis-ie jamais vn de si grande admiratiõ?
Vis-ie jamais vne si déplorable mort?
Mais vis-ie jamais vne si belle vie? Le sie-
ge de la vie c'est le cœur, & voicy le cœur
de France, le Ciel de ses plus parfaicts
mouuemens, & la vie de la Republique

Françoise. Je sçay bien (Messieurs) que dans vos esprits mesme *compugnans moribus gaudia*, *talem reminisci dulce est, talicarere supplicium*: ce sont aussi les deux sujets qui m'agitent, les loüanges de ses belles vertus me tirent du costé de la consolation, & la perte commune de tous me retire en celuy des souspirs. C'est pourquoy vous aurez d'autât plus de sujet d'excuser les defauts de ce discours que mon esprit est contrainct de recevoir de deux maistres ennemis, deux loix toutes contraires. Il est vray que ie ne me peux empescher de me tirer du costé de la vie: ceux qui aymerônt mieux s'abandonner à la douleur, tirant de ce que ie diray à la loüange du deffunt, vne plus grande cognoissance de leur perte, en prendront vn plus grand sujet de leurs iustes plaintes. Et ceux qui se mettront du costé de la consolation pour les actions heroïques que ie suis resolu d'exalter, plustost que de m'arrester aux larmes, auront prou de sujet d'estre contens. Cruelle mort! tu ne verras donc point de mes larmes pour ce coup, & quoy qu'elles soient toutes prestes à sortir pour la douleur

S. Hil. Ar.
in pan. S.
Hon.

Duplex itaq; materia me prouocat, illinc me laudum iurum gratia adsermonem trahit, hinc ad singulorum retrahunt dāna communia.

Ignoscite sibi diripientibus sibi duobus affectibus mentem nostram oris mei officium tanquam duobus dominis famulatum contrarium negat.

que tu m'as causee , elles sont neant-

*Si quis est
quem flentem
mors deccat,
ridere dede-
cuit videntē.*

*Si semper be-
neficium vita
esset, semper
maleficium
esset mors.*

*Fran. pet.
dial. 119.*

moins retenuës par tant de merueilles
qui me consolēt. Et certes i'aurois peur
de faire de mes Auditeurs mes Iuges, si
ie vous seruois des larmes, & si parmy
des actions si genereuses & si massles, ie
meslois vne chose si feminine. Ciceron
disoit que ce luy seroit chose mессeante
de parler pour le courageux Milon avec
crainte, & moy i'aurois trop de tort si
ie disois de si belles choses en pleurant.
Ie diray donc que la vie est demeurée
maistresse de la mort, & qu'encore que
ce squelette descharné, cette carcasse
d'orangez, aye comme les vaches mai-
gres de Pharaon deuoré les grasses &
pleines de vie, neantmoins carnaciere
qu'elle est, elle ne s'est prise qu'à la chair,
& vous verrez que dans la personne du
deffunct, il y auoit vne vie qui n'a peu
estre touchée par la mort, & qui luy a
acquis vne telle immortalité, que i'es-
pere que vos esprits en seront les sepul-
chres viuans, & que ses loüanges vous
seront d'autant moins suspectes qu'el-
les auront de la correspondance à vos
merites, & que vous trouuerez la plus-
part des vostres parmy les siennes.

Toutes

Toutes les choses imaginables sont rapportees par les Theologiens à l'une de ces trois mesures, à l'eternité, à l'aui-ternité, ou au temps. L'eternité est la possession d'une vie qui dans l'assemblage de tout ce qui est essentiellement parfait, n'a ny commencement ny fin, & n'est sujette ny en soy, ny les operatiōs à vicissitude, succession, ny changement quelconque. Il n'appartient qu'à Dieu d'estre eternal, & de tous ses attributs, il n'y en a pas vn qui exprime mieux sa grâdeur, ou plustost qui nous estōne davantage que son eternité. Dire qu'il est eternal, c'est dire qu'il n'est ny vieil ny ieune, la difference des aages ne le red ny plus ny moins sage, il possède d'un coup tout ce qu'il a, rien n'y va par suite, rien ne s'y accroist par longueur, rien ne s'y affermit par habitude, tout luy est essentiellemēt attaché: & comme il ne profite rien en continuant d'estre, aussi ne scauroit-il rien perdre demeurant toujours en vn mesme estat. Et afin que nous ne nous imaginions point en luy des perfections diuisees. S. Augustin dit tres-bien que Dieu est tout œil, parce qu'il voit tout, toute

Æternitas est interminabilis vita tota simul & perfecta possessio.

Æterna autem substantia cum eadē semper & immobilis perseveret, neque senior seipsa fit unquam neque iunior.
Plato. in timæo.

Deus totus oculus est, quia omnia videt totus manus est, quia omnia operatur totus

es pes est
 ubique
 2. In Psal.
 10.

In Psal. 101.

Anitai si-
 cut dies terrae,
 & dies terrae
 non quiescunt
 sed hodie,
 quia hodie
 non tunc non
 cedit cressimo
 neque uisio
 succedit be-
 sterno. Conf.
 lib. 11. c. 13.

S Thomas, 1.
 q. 10. ar. 5. c.
 angelis mu-
 tationem non
 patiuntur, ani-
 mas enim apud
 illos puer ne-

main, parce qu'il fait tout, & tout pied
 parce qu'il est par tout. Il ne faut pas
 distinguer en luy l'œil des pieds, ny la
 teste des mains, il ne le faut pas mettre
 premierement au Ciel, & puis apres en
 terre, il est tout en meime temps, il est
 par tout en meime temps. mais plus
 tost il est tout & par tout sans temps
*ibi nihil est prateritum quasi iam non sit, nihil
 futurum, quasi nondum sit; sed non est ibi nisi
 est. Non est ibi, fuit, nec erit, quia quod fuit iam
 non est, & quod erit nondum est, sed quidquid
 ibi est non nisi est.* Que cest estat est heu-
 reux où il n'y a point de souuenir du
 passé, ny d'apprehension du futur, que
 ceste gloire est solide où tout est vnifor-
 me, sans changement, tout arresté sans
 vicissitude, si parfait qu'il ne peut rien
 gagner en auançant, si grand qu'il ne
 peut croistre, si plein qu'il ne peut plus
 rien contenir, si puissant qu'il ne peut
 plus se fortifier, & si ferme qu'il n'a au-
 cune crainte de reculer ny rien perdre.

L'anitermité seconde mesure est pour
 les substances spirituelles, elle est plus
 que le temps & moins que l'eternité.
 Il y a, dit nostre Docteur Angelique,
 certaines choses créées qui reculent

moins de l'eternité en ce qu'elles ne re- que adolescen-
çoient aucun changement en leur na- neque finem
ture, elles ont neantmoins vne espee Basil. ho. 11
de succession ou transmutabilité attra- Psal. 24.
chée à leurs operations. De ceste sorte
sont les Anges qui sont bien moins que
Dieu, en ce qu'ils ont vn commence-
ment, & beaucoup plus que les choses
d'icy bas, en ce qu'ils n'ont point de fin.

Le temps, qui est la troisieme mesure
est pour toutes les substances corporel-
les, tout ce qui est sous le Ciel roule
sous les differéces du passé, du present,
& de l'aduenir, & se void tellement de-
terminé à ses loix, que comme le temps
n'est constant qu'en son inconstance,
ny permanent qu'en sa volubilité, aussi
les choses qui luy sont sujettes ne peu-
uent se promettre vn estat de cōsisten-
ce, ains faut qu'elles reglēt leur cadēce
au bransle du changement qui leur est
prescrit. Il n'est pas tousiours l'hyuer
aussi n'est il pas tousiours l'esté, le prim-
temps veut entrer au rang des saisons
aussi bien que l'automne, en sorte qu'el-
les ne sont iamais ensemble, ains s'en-
tresuiuent cōme les minutes qui sont les
heures, les heures qui sont les iours, les

iours qui font les mois, & les mois qui font les années. De là vient qu'il y a tēps de rire & temps de pleurer, temps de trauailler & de se reposer, temps de viure & tēps de mourir. Temps bien different des deux premieres mesures, en ce que l'eternité possede tout ce qu'elle a en vn continuel momēt, l'æuiternité ne reçoit aucune successiō, au moins quant à la substance des choses qu'elle mesure, & le temps nous amene tant de changemens, mesme en nostre substance que nous ne possedons rien de nostre vie que des momens imperceptibles; & pouuons bien dire que tous les iours il meurt quelque chose chez nous. Quand nous sommes en l'adolescence l'enfance est morte, quand nous sommes en la ieunesse l'adolescence est morte, quand nous sommes en l'aage viril la ieunesse est morte, & quād nous mourons vieux, ce n'est que la vielleſſe qui meurt, il y auoit desia long temps que les autres differences de l'aage estoient trespassez. Il n'appartient qu'à Dieu de dire *nunc & semper* pour nous, nous n'auons qu'un miserable *nunc*, encore est il si peu conceuable

que S. Vincent Ferrier grand Predicateur de nostre ordre, dit qu'entre viure & mourir il n'y a que la mesme difference qui est entre mourir & estre mort, & qu'ẽcore que nous ne soyõs pas morts, il est tousiours vray de dire que nous mourons quand nous desistons d'estre ioyeux pour estre tristes, & que nous esprouuons que le trauail & le repos, le bien & le mal s'emparent alternatiuelement de nos pauures cœurs, nous pouuons bien iuger que ces contraires qui ne sont chez nous que quelquefois, comme ils sont finis viendront en fin a n'y estre plus tout a fait, & nous ameneront la mort qui nous determinera ou à vn bien qui ne sera suiuy d'aucun mal, ou à vn mal qui ne sera suiuy d'aucun bien.

Et c'est ce temps que Dieu appelle contre nous, quand il marque le moment où se doit terminer nostre vie, *uocauit aduersum me tempus.* Temps d'autant plus traistre qu'estant celuy qui nous apporte la vie, c'est celuy qui nous porte à la mort, & pour cela Dieu nous a voulu assuiettir à ceste mesure pleine d'inconstance, pour nous appré-

*Theremo-
rum. i.*

dré à rouler nos iours avec tant de soyn,
 pendant le temps qui roule tant de va-
 rietez sur nos testes, que nous meritions
 de paruenir à ses autres mesures plus
 parfaites, asçauoir l'eternité & l'æi-
 ternité : celuy la mesure nostre course,
 & celles-cy sont le terme ou nous pre-
 tendons d'arriuer. *Sic currite ut compre-*
hēdatis. C'est icy où les hommes se peu-
 uēt rēdre dignes d'immortelles loūan-
 ges, & où ie vous veux montrer que no-
 stre deffunt a si bien fait dans la cour-
 se du temps, qu'il a meritē d'atteindre
 au but de l'æiternité par le merite de
 sa magistrature, & de l'eternité, par ce-
 luy de sa pieté, Je luy feray dire ces pa-
 rolles d'un Roy, *sine iniquitate cucurri &*
direxi, exurge in occursum meum & vide, où
 ie prēds ce mot d'iniquité, en tant qu'il
 est opposé à l'equité, & comme ie pre-
 tends le louer principalement de la
 droiture qu'il a tousiours obserué en
 l'administration de la Iustice, n'ayant
 iamais forligné de la voye de l'equité,
 ie peux dire qu'en ceste course du
 maniemēt des affaires publiques, il a
 esté sans iniquité.

Il est sorty d'une tres-illustre famille

1. Cor. 9.

Psalm. 58.

& honorée d'une des plus belles charges du Royaume, son Pere s'appelloit Messire Nicolas de Verdun, estoit Conseiller du Roy en son Conseil d'Etat, & intendant de ses finances. Sa Mere estoit de la maison des Messieurs d'Aubepine, sœur de feu Monsieur de Verderonne, maison assez cogneüe pour servir à l'honneur de nostre deffunct, duquel la naissance est d'autant plus remarquable, qu'elle n'a point apporté d'empeschement au merite de la vertu. Son Pere administroit tout seul les finances du Royaume, avec tant de prudence qu'il en a merité le nom d'Intendant sans reproche, & la pauvrete en laquelle il est mort est vn tesmoignage irrefragable que rien ne se pouuoit adiouster à la fidelité dont il seruoit le Roy. Or ceste pauvrete paternelle me donne vn beau suiet d'exalter ceste naissance, comme la plus conforme qui se puisse imaginer, à ce que requeroit la perfection de l'honneur qu'il a merité, par les actions de sa vie. La vertu est bien souvent cachée dans les richesses, ou bien les richesses tiennent lieu de vertu, & passent pour chose digne de gloire deuant les

yeux d'une populace qui ne sçait admirer que ceux qui ont la teste d'or. Vn apprentif d'un Peintre ancien voyant que son maistre estoit fort empesché à des-peindre la beauté d'Heleine, ne croyant pas qu'il en deust venir à bout, s'en alla prendre une toille & ne mit autre chose dessus que de l'or, sans tirer aucun autre lineament, puis l'alla monstrier à Appelles, disant que par là, il vouloit représenter la beauté d'Heleine, auquel Appelles en souffrant respondit *pulchram facere non potuisti, diuitem fecisti*, ne la pouvant faire belle, vous l'avez fait riche, comme si les richesses deuoient contenir eminemment toutes les autres perfections, & cependant le vieux proverbe dit que *in nudo diues virtus*, la vertu n'est iamais ny si belle ny si riche que quand elle est chez un homme nud, quoy que le vulgaire en face un autre iugement.

Les Magistrats doiuent prendre soin d'acquiescer du respect dans l'esprit du peuple, & de la gloire en la posterité. La gloire ne s'acquiert que par la vertu, & le peuple ne respecte volontiers que la Noblesse, Amasis Roy d'Egypte estoit

estoit meprisé par ses propres sujets, pour la bassesse de la condition dont il estoit sorty pour venir au Sceptre, quoy qu'il les ait voulu coriger, leur faisant adorer vn Idole qu'il auoit fait faire du bassin dont il auoit accoustumé de se lauer les pieds. Voyez nostre Seigneur mesme comme il est peu respecté : *nonne hic est fabri filius ?* La noblesse de nostre deffunct l'a exempté de ce danger, & la pauureté de ses parens luy a donné suject de faire paroistre qu'il ne doit qu'à sa vertu la gloire de tant de belles charges qu'il a merité d'exercer. On peut dire de beaucoup qu'ils n'ont que la gloire qu'ils ont trouuée sur leur teste en naissant, encore y en a-il plusieurs qui ne sçauent pas conseruer celle que leurs ancestres leur ont acquise : mais nostre deffunct n'est redeuable qu'à soy mesme, & n'ayant eu par heritage que la gloire de la pauureté qu'il a conseruée, celle qu'il a meritée en sa Magistrature n'est deuë qu'à ses trauaux & à son courage. Il portoit comme Alexandre le grand les loix de la gloire grauée dans son cœur, aussi a-il pris vn effor qui eut mis en

defaut vne ame moins genereuse. Ciceron disoit que faire paruenir vn homme aux charges sans argẽt, c'estoit faire voller vn oyseau sans ailles, combien est dõc genereuse l'entreprise de nostre Cheualier, qui sãs l'ayde des richesses a biẽ eu assez de cœur pour paruenir à la premiere des charges de ceste auguste Cour. le m' imagine qu'il eust esté fâché que son pere lui en eut acquis, & eust pleuré, s'il ne luy eust laissé de quoy faire paroistre sa generosité; aussi est-il vray que la gloire des charges consiste à les acquerir par vertu, non à les posseder par heritage.

Or comme les sciences sont les plus solides bases, & les plus esleuez marche-pieds qui puissent nous faire deuenir grands, il les alla chercher en leur source, & choisit entre toutes, de s'adonner à la Iurisprudence, laquelle ie peux dire estre la plus belle & la plus ancienne de toutes les sciences humaines. Il ne faut chercher son origine plus bas qu'au Paradis terrestre, on y a donné des loix, elles y ont esté transgressées, voyla les interrogatoires, Adam, *ubi es?* Adam reiette son peché

sur la femme, la femme repliche que
c'est le serpent qui l'a trompée. La sen-
tence de Dieu interuient la dessus qui *Psal. 89.*
les condamne tous trois. *Veritas de ter-
ra orta est, & iustitia de celo prospexit.*

Le premier Parlement fut estably du
temps de Moyse par le commâdement
de Dieu, & de l'aduis des hommes dans
l'Exode 28. & de luy ont appris à faire
des loix, tous les Legislateurs qui luy
ont succedé comme Foronæus, qui en
a donné aux Grecs, Mercurius aux
Ægyptiens, Solon aux Atheniës, Lycur-
gus aux Lacedemoniens, Romulus ou
Numa Pompilius aux Romains, & tant
d'autres qui n'ont esté en cela que les
singes de Moyse qui a appris de Dieu à
faire des loix. Platon disoit que les au-
tres sciences auoiët esté apportées par
Promethée : mais que les seules loix
uenoiët de Dieu par le moyen de Mer-
cure. Seroit-ce bien pour cela que nous
autres Chrestiens appellons avec la
Sainte Escriture nostre seigneur
Iesus-Christ, *Angelum magni consilij*, com-
me si on vouloit dire que du Conseil
priué de la sainte Trinité, il nous a ap-
porté les amoureuses ordonnances de

la nouuelle loy dont nous iouyſſons
 maintenant? Que ſi la Iuriſprudence eſt
 louable en ſon origine, elle ne l'eſt pas
 moins en ſes effets, c'eſt elle qui nous
 fait viure en paix, & en vn mot, c'eſt
 elle qui nous fait gens de bien en nous
 deffendant le mal qu'elle punit rigou-
 reuſement: Les anciens appelloient les
 loix l'ame de la ville; i'auois donc rai-
 ſon d'appeller tantost ces ſeigneurs
 la vie de la France, pour me con-
 ſoler parmy tant d'images de mort.
 Vn Nauire cingleroit pluſtoſt ſans
 faire naufrage en pleine mer, qu'une
 ville ne demeureroit deſtituée de loix,
 ſans eſtre bien toſt accablée de ſes pro-
 pres ruynes. Ciceron dit que *nihil*
in ciuitate diligentius retinendum eſt quam
ius ciuile, quo ſublato exploratum eſſe nemini
potest quid ſuum quid alienū. Et S. Auguſtin
quidem ſunt regna niſi latrocinia, remota
 Lib. 4. de *iuſtitia*: L'exercice de la Juſtice eſt ſi
 cis. Dei. fort eſtimé dans la Sainte eſcriture,
 qu'on recommande aux hommes de
 l'entreprendre iuſqu'à l'agonie, *pro iu-*
ſtitia agonizare pro anima tua & vſque ad
 Eccl. 4. *mortem certa pro iuſtitia.*

Ses eſtudes, La beauté de ceſte ſcience tira à ſoy

nostre defunct, & y ayant eu pour maistre ce grand Iuriscōsulte Cujas, il auoit moins d'occasion que luy, de dire de sa patrie, *optima mater, pessima nutritrix*, il ne pouuoit auoir vn plus excellēt maistre, & son maistre ne pouuoit souhaitter vn meilleur Disciple. Il le nourrissoit, non comme Chiron faisoit Achille de moüelle de Lyon, pour le rendre courageux, mais de la moüelle de la Iurispudence pour le rendre tel que nous l'auõs recogneu, parfait en la cognoissance de ceste science. Non content de ses instructions, il s'adonna à l'estude de la langue Grecque, & comme Alexandre disoit que l'Iliade d'Homere estoit le miroir d'vn bon Capitaine, nostre deffunt croyoit que la cognoissance des lettres Grecques adioustoit merueilleusement à la perfection d'vn Magistrat, aussi l'eloquēce Latine doit elle tout ce qu'elle a de sauoureux à l'inuention des Grecs. La Grece a tousiours esté estimée la mere des sciences. Platon rendoit graces aux Dieux de ce qu'il estoit né à Athenes qui (pour l'honneur des sciences qui y florissoit) estoit appellée *totius Græciæ oculus dexter*:

C'est là que S. Basile s'est fait grand :
 Là S. Gregoire de Nazianze s'est ren-
 du capable d'operer tant de merueil-
 les : Là S. Iean Chrysostome a appris à
 faire croistre du miel dans sa bouche
 avec ses parolles : & de là ont tiré les
 Latins & les François, tout ce qu'ils
 ont d'exquis pour mener les hommes
 par les oreilles. Or estât nostre deffunt
 si fort aduancé aux lettres, il ne se faut
 pas estonner si les dignitez se presente-
 rent à luy plustost qu'il ne se presenta
 aux dignitez.

*Homerus si-
 cut amphora
 autibus cir-
 cumserratur
 Plur.*

Ses charges

Il fut premierement Aduocat à la
 Cour, c'est le premier degré pour mon-
 ter où il est parvenu. Et Clement III.
 est bien passé par ceste porte pour al-
 ler au souuerain Pontificat. En cet
 estat il playda aux grâds Iours de Cler-
 mont, & fit augurer de sa future suffi-
 sance au maniement des affaires pu-
 bliques, comme Hercules fit preuoir sa
 valeur estouffant des serpens des le
 berceau. Il fut depuis Conseiller en
 cette magnifique Cour, vn peu apres,
 President aux Requestes du Palais,
 puis grand President, d'où il fut ti-
 ré pour estre fait premier President

*On dit que
 feu Mon-
 sieur le Pre-
 sident de Har-
 lay dit dès
 lors qu'il
 n'en reco-
 gnoissoit
 point de
 plus digne
 que luy de
 succeder à
 la charge.*

au Parlement de Thoulouze. Il a esté aussi Chancelier de Monseigneur frere vnique du Roy, & est paruenue en fin à ceste belle charge de premier President de ceste tres-Auguste Cour. Et en toutes ces dignitez on remarque ie ne sçay quel destin qui le portoit à estre le premier par tout, chose que Iules Cæsar ambitionnoit si fort qu'il eut mieux aymé estre le premier en vn village, que le second à Rome. Et à ceste primauté ou Cæsar estoit porté par son ambition, nostre deffunt est paruenue par la conduite & souueraine prouidence de celuy qui cognoissoit ses merites, comme en estant l'auteur.

Sa Iustice.

Mais qui pourroit assez exagerer l'equité, droicteure, incorruptibilité, & autres vertus qu'il a fait paroistre en sa magistrature? si la Iustice ne pleure la perte d'un si iuste administrateur, ce n'est que parce qu'elle n'a point d'yeux. Il auoit ce que requeroit Platon en vn Iuge, la prudēce pour cognoistre (d'autant que si l'ignorance luy auoit poché les yeux, ce prouerbe seroit veritable quel'ignorance du Iuge est la misere de l'innocent) la force pour ne point ce-

Orphai tyra
carmen am-
phionis
sa Vergili

*voce pecunie
 suffocantur,
 ubi num-
 mus loquitur,
 Tulliani elo-
 quij tuba
 raucefcit, ubi
 nummus mi-
 litat hec-
 torea militie
 fulgura com-
 pefcuntur,
 ubi pugnat
 pecunia vir-
 tus expugna-
 tur Hercu-
 les, nummus
 vincit num-
 mus regnat,
 nummus im-
 perat uniuersis.*

*Son incor-
 ruptibilité.*

Psalmus,

der aux menaces des grands. La tem-
 perance pour empescher que l'esprit
 n'émouffe sa pointe dans les voluptez
 du corps, & la iustice pour estre son
 ame. Je peux dire de luy ce que saint
 Hierosme disoit d'un autre qu'il regar-
 doit plustost le visage que les mains de
 ceux qui se presentoient pour luy de-
 mander Iustice, il estoit comme ces
 statuës de la ville de Thebes, ausquel-
 les on auoit couppé les mains, pour re-
 presenter que les Iuges ne doiuent sca-
 uoir que c'est de prendre des presens.
 Il a tousiours esté fort recommanda-
 ble pour ceste incorruptibilité, & pou-
 uoit on bien dire de luy que ses yeux ne
 perdoiēt rien de leur lumiere, quelque
 presēt qu'ō luy offrit pour les esbloür,
 & estoient comme ceste lampe du tem-
 ple de Venus en Arcadie, laquelle ne
 s'estaignoit iamais, quoy qu'elle fust
 perpetuellement exposée aux vents & à
 la pluye. Il pouuoit dire ces paroles de
 S. Ambroise, *feci iudicium & iustitiam, in
 iudicio non contempsi pauperem, non oppressi
 viduam, personam diuitis non recepi, in om-
 nibus misericordiam reseruauī, & ne faut
 pas que l'on croye que la rigueur dont
 il*

à chastié exemplairement tant de crimes, soit contraire, ny face aucun tort à ceste misericorde & douceur, dont il accueilloit tout le mōde. D'autāt qu'au gouuernemēt d'une republique, il faut que la rigueur ait son tour aussi biē que la clemence, & le peuple est semblable à ces mouches guespes qui meurent dās l'huyle, & reuiuent dans le vinaigre. Et puis vn Iuge ne doit & ne peut faire misericorde qu'en rendant la Iustice, & comme dit tres-bien Lactance, *Iudex peccatis veniam dare non potest, quia voluntati deseruit aliena.* Ainsi nostre grand President regloit toutes ses actions selon les volonteze du Roy. Avec quelle ardeur recherchoit-il les coniurations qui se faisoient contre son seruice? avec quelle rigueur les punissoit-il? Quand les Ægyptiēs vouloiēt signifier le principal soin d'un Magistrat, ils faisoient voir un chien qui gardoit une robbe de pourpre, la regardant fixement, & empeschant qu'on en approchast. Le Roy n'a point de robbe plus pretieuse que la cōseruation de son auctorité, & c'est ce qui doit estre l'objet des plus pressantes sollicitudes d'un Magistrat, &

Son affectiō
au seruice
du Roy.

ce qui rendoit nostre deffunt si vigilāt, que les fujets du Roy pouuoient bien dire pendant fa vie, *virgam vigilantem ego video*. Sa Iustice en vouloit aux mefchans, comme l'iniustice en veut aux bons, aussi Pythagoras auoit-il accoustumé de dire que ne chastier point les mauuais, estoit par occasion affliger les gens de bien. Il auoit ce que Democrite requeroit en vn luge *optimus* (diē il) *index esse induatur qui cito intelligit & lente indicat*, il estoit extraordinairement prompt à conceuoir vne affaire, & fort considéré à la iuger, & quand il condamnoit à quelque chastiment rigoureux, c'estoit plustost pour l'exemple, que pour la faute commise, *nemo prudens punit quia peccatum est*, dit, Platon, *reuocari enim praterita non possunt*. Sa prudēce. Sa prudence paroissoit principalement au gouuernement du peuple : qui est pourtant bien plus difficile à conduire que ne seroient des grands esprits, c'est vne beste à cent testes, & bien souuent sans teste, qui ne sçait ny commander ny obeyr: & Phocion faisoit si peu d'estat de son iugement, qu'ayant vn iour prononcé vn aduis qui fut receu de tout

Resert Seneca

lib. 1. de ira

cap. 16.

Sa prudēce.

Plut. en la
vie.

le peuple: il se tourna vers ses compaignons, leur demandant s'il auoit poinct dit quelque sottise. Nostre deffunt comme vn Alcyon, a bien sceu se nicher sur cette mer subiette à tant d'esmotions, sans faire naufrage; & a sceu si bien mesnager les affections du peuple estant à Thoulouze, qu'elles luy ont tousiours esté acquises: aussi luy a il tousiours procuré le bien & repos qu'il luy a esté possible par son courage & par ses larmes. Par son courage, en ce qu'en l'absence des gouuerneurs il assiegeoit & prenoit les places, emprisonnoit les Seigneurs mesme qui oppressoient le peuple, & faisoit bien voir qu'il scauoit marier les armes avec les loix: Mariage qui sembloit auoir esté recommandé par Charlemagne qui ayant fait grauer son cachet sur le pommeau de la garde de son espée, scelloit tousiours ses ordonnances l'espée à la main: Et Frideric troisieme auoit pour deuise vn liure ouuert sur vne table, & dessus le liure vne main armée qui tenoit vne espée avec ces mots.

Hic regit ille tuetur.

Et par ses larmes en ce qu'il a souuent harangué pour le bien du peuple deuant

Son affecti-
enuers le
peuple,

le feu Roy Henry le Grand, & deuant
nostre tres-iuste Roy, avec des yeux qui
par leurs pleurs tesmoignoient l'affec-
tion extresme qu'il portoit au peuple.
Que si vn menestrier ou joueur de flustes
par vne chanson lugubre, fit reuoquer
l'arrest que l'Empereur Theodose, fort
impuissant d'ailleurs sur ses passions,
auoit rendu contre vne ville qu'il vou-
loit faire razer: Que ne deuoit gagner
sur la clemence de nostre Roy, qui n'a
autre passion pour son peuple, qu'une
grande affection de le maintenir, la
priere de ce venerable President ac-
compagnée des larmes d'une inexprimable
tendresse de cœur? Ah qu'il sca-
uoit bien de quelles armes nostre tres-
iuste Roy vouloit estre combatu, s'il
eust abordé vn esprit rigoureux, peut-
estre eust-il fait des remonstrances plei-
nes de fer: mais à vn Roy dont l'affectio
enuers ses sujets est toute paternelle, il
ne falloit que des larmes. Il a tousiours
observé cet aduertissement que Plutar-
que donne à tous les Magistrats; Que
les grands doiuent plus craindre de fai-
re du mal que d'en recevoir: Il souffroit
avec vne patience indicible tout ce qui

*lib. de do-
rina prin-
cipum.*

*Principem
regis oportet
vere ne
dum ali fa-
t quam ne
dum ali*

se faisoit contre sa personne, pourueu qu'il fit valoir l'integrité de la Iustice: il ne se soucioit pas qu'il luy arriuaſt pour son particulier. C'est l'ordinaire qu'on remarque les plus petites actions des grands, iusques là qu'on remarqua que Pompée ne se grattoit la teste qu'avec vn doigt. Je me suis enquis de choses les plus particulieres de nostre defunct, & n'ay ſceu apprendre autre chose sinon qu'il estoit tousiours pressé, donnant si peu de temps à la conduitte de ses propres affaires, qu'on eust dict qu'il trouuoit les affaires publiques à son foyer: de sorte que n'ayant des mouuemens que pour l'exercice public de sa charge, il faisoit bien paroistre qu'il auoit la Iustice pour ame.

Mais pourquoy s'arrester tant à la recherche des choses qui peuent iustifier la gloire de sa Magistrature? n'est ce pas tout dire quand on dit qu'il estoit Premier President en cette grande Cour? Celuy qui paruiet là peut bien dire qu'il a passé par l'eau & le feu de l'estroit examen de tout ce qui est necessaire pour faire vn grand personnage. L'ignorance a beau se desguiser, elle ne

Lotianges
du Parle-
ment de Pa-
ris.

trouue point là d'entrée. Cest l'assemblée de laquelle parle le Roy Prophete, quand il dit, *Deus stetit in Sinagoga Deorum in medio autem Deus dijudicat*: Quoy Messieurs, vous vous estónez de ce que ie les appelle des Dieux; ne sçauiez vous pas que la sainte Escriture appelle ain-si les Iuges? au chapitre *gloriosus Deus in sanctis suis*: ils sont appelez *luminose candelae ardentes*, *super candelabrum posite*, & en tout plein de lieux du Code ils sont appelez tres-nobles, Anges, Prophetes, & d'autres noms qui font comprendre au peuple le respect & l'honneur qu'il doit aux Iuges & Magistrats, comme à ceux qui luy procurét le bien & la paix dans laquelle ils respirent.

Lib. 1. C. de
ex. lib. art.
icem & sive
etor. 43. dist.
v. 1. Prophete
quippe et ali-
bi p. 2. m.

Iuger est vne actiō royale, & n'y auoit autresfois autre Iuge que les Roys mesmes: Les Iuges ont gouuerné deuant les Roys, comme on voit en Samuël & ailleurs en la sainte Escriture. Les Roys ne semblent estre Roys que pour iuger: d'où prit la hardiesse cette pauvre femme à qui l'Empereur Adrian refusoit de faire droit, de luy dire tout haut *Noligitur Imperare*. Or comme la France a tousiours eu les plus grands Roys, elle

les a tousiours eues plus Iustes; ils ont
 commencé les premiers à ioindre la
 main de Iustice à leur sceptre, & les Fran-
 çois ont tousiours esté loüez d'obeïr
 promptement, comme leurs Roys
 de commander doucement. Agatias
 dict de France cette sentence, τὸ
 ὑπὸ κράτει δίκαιον εἶναι τὸ δὲ ἀρχὸν εὐμενές.
 Et nos Roys ne pouuât pareux mesme
 rendre la Iustice à tous leurs sujets, ont
 estably ce grand Parlement, comme la
 source & le fonds de toutes les autres
 Iustices du Royaume, & semble qu'ils
 luy ayent donné leur main de Iustice.
 Depuis qu'il a esté fait Sedentaire par
 Philippe le Bel, ceux qui ont l'hon-
 neur d'y auoir charge de President ou
 Conseiller, y tiennent la place des
 Princes, Barons, & Seigneurs, qui de
 toute antiquité estoient auprès de la
 personne des Roys, lors que le Parle-
 ment n'estoit qu'ambulatoire. Et pour
 marque de ce, les Princes & Pairs de
 France y ont tousiours eu seâce & voix
 deliberatiue. C'est là où ont tousiours
 esté verifiées les Loix & Ordonnances,
 Edicts, Traictez de Paix & autres impor-
 tantes affaires du Royaume. C'est le

lieu du trosne Royal, & le liet de la Justice souueraine du Roy. Ie m'impose silence aux louanges de ce grand Parlement, pour laisser parler vn Pape. C'est Clement VII. lequel luy escriuant en Iuin l'an 1525. dit ces mots, tous pleins de gloire pour ceste Auguste assemblée.

Vos quorum sapientie & equitatis nomen in tota Gallia eximiū & vbiq̃ memorabile est.

Iugez maintenant du chef par la dignité du corps (Messieurs) & faisant cas de vous mesme, estimez & hōnorez la memoire de feu Monseigneur de Verdun, qui a esté le premier entre vo⁹, & pourtāt de belles actions qu'il a pratiquées en sa Magistrature, s'est rendu immortel en ceste grande Cour. Ce qui me fait prendre confiance d'apprendre avec le reste de ses trophées au Temple de memoire, ces quatre vers qui sont à l'imitation de ceux de Virgile, pour Nisus & Orialus. Et qui d'une veine moins heureuse, mais d'une plus grande affection, & avec des auspices plus veritables, serviront à faire viure ses vertus dās l'euiternité.

*Æneid. 9.
Fortunaci
Omb. si quid
mea carmina
possunt.*

*Fortunate heros, si quid pia facta valebunt
Nulla dies vnquam felici te eximet aeo,*

Dum

*Dum veneranda themis parlamenti immo-
bile Templum.*

Accolet, & regnum Lodoici semen habebit.

Mais que luy seruiroit d'auoir en ceste course du temps merité la gloire de l'éternité, s'il ne s'estoit acquis vne participation de l'æternité? Tout ceque i'ay dit de luy iusqu'à present luy est commun avec les Payés. On en peut autant dire de Socrates, de Seneque, de Platon, & autres qui viuent æternellement dans la posterité, & *laudantur vbi non sunt cruciantur vbi sunt.* Il y a vne chose qui faict que les Chrestiens paruiennent, où ceux-là n'ont peu arriuer, c'est la pieté. C'est la base & le fondement des actions qui peuvent meriter l'Eternité, honorer Dieu & l'Eglise, pratiquer les vertus, & fuyr le vice pour l'amour de la vie eternelle. C'est vn fondement & vn obiect qui n'estoit pas chez les Payens, & par consequent il n'y a point d'autre Eternité pour eux que la mauuaise qui les tient en vne perpetuelle priuation de la bonne. Il y a ceste difference dit saint Hierosme entre nous & les Payens pour la pratique des vertus que, *vitium vitio, peccatum peccato medicantur, nos amore virtutum vitia super-*

*In epist. ad
rusticum.*

a pieté.

ramus. Or ceste pieté s'est trouuée merueilleusement reluisante en l'ame de nostre defunct. Pleust à Dieu qu'il fut icy, vray ce que disoit Iesus-Christ, *si tacuerō lapides clamabunt*, ie mettrois volontiers pour laisser parler les pierres de ce Monastere qui sont autant de tesmoignages qui creuent les yeux à quiconque voudroit nyer qu'il n'ayt esté extremement pieux. Les Magistrats estans Chrestiens, & seruiteurs de Dieu, ne se rendent iamais tant recommandables, que quand ils sont pieux. Et doiuent tesmoigner leur pieté, non seulement en honorant les gens d'Eglise mais encore en les defendant de leur auctorité contre ceux qui veulent preiudicier à leur perfection. Iamais l'estat ne se porte mieux que quand il est en bonne intelligence avec l'Eglise, ce sont les deux bras d'un Royaume chrestien, & Dieu se plaist tellement à ceste bonne intelligence, qu'il semble se vanter parlant à Iob du bon accord qu'il y a entre les Cieux, lesquels quoy qu'ils soyent plusieurs & diuers (selon les Philosophes) & qu'ils ayent des mouuemens contraires, sont neantmoins tellement d'accord parmy ceste difference, qu'ils

font vne harmonie que Dieu prend plaisir d'entendre, *contentum Cœli quis dormire faciet?* Combien prend-il plus de plaisir de voir le Ciel de l'Eglise s'entendre bien avec celuy de l'estat, encores qu'ils ayent diuers mouuemens, lesquels se doibuent pourtant terminer tous au seruice d'un Dieu, & à la conseruation de l'autorité d'un Roy. De tous les Empereurs il n'y en a point eu de plus recommandable, que le Grand Constantin, & ne l'a merité, qu'en employant son autorité pour maintenir l'Eglise, ses loüanges se sont trouuées dans la bouche, non seulement des Papes, mais en general dans celles de tous ceux qui ont cogneu vn Dieu & vn Iesus-Christ Crucifié, & dans les oreilles de tous les infidelles, les Martyrs le regrettoient en leurs tourmens, & les Anges l'exaltoient dans le Ciel, pendant qu'il trauailloit pour l'Eglise en terre. Nostre defunct sembloit le vouloir imiter en ceste ferueur d'assister l'Eglise, & de luy ayder au progrès qu'elle fait tous les iours en la perfection que Dieu requiert d'elle, c'est pourquoy entre les Religions, il aymoit les plus reformées. Il scauoit que les Religieux qui gar-

dent exactement leurs regles, sont tous-
 jours tres vtils à l'Estat, tant par leur bon
 exemple & doctrine, que par les prieres
 qu'ils font nuit & iour, comme des Moy-
 ses sur la montagne de la Religion, pour
 la prosperité du Roy, & de tout le Royau-
 me. Iamais on n'a eu occasion de se plain-
 dre dans l'Estat des Religieux qui gardent
 soigneusement leurs regles, elles leur
 font de si belles leçons d'humilité qu'on
 ne doit esperer d'eux que toute sorte de
 soubmission & obeissance, à tout ce qui
 sera conforme au bien de la republique &
 du seruice du Roy. Ils tiennent de Dieu
 le commandement de l'honorer & de luy
 obeir, & ne perdent ce souuenir que
 quand ils n'ont plus celuy de leurs statuts
 & constitutions. Il s'estonnoit qu'on esti-
 mât la reforme vne nouveauté, veu qu'elle
 porte les Religieux à viure comme on
 faisoit du temps des Fondateurs, & qu'on
 n'appellast point nouveauté vn desordre
 qui ne se peut estre glissé (au moins pour
 la derniere fois) dans les Religions, que
 depuis quatre vingts ou cent ans. Il ay-
 moit particulierement nostre Ordre, &
 sans doute que la deuotion qu'il auoit à la
Vierge Sacrée, luy donnoit ceste inclina-

tiō pour nous, qu'il scauoit estre sous vne
 particuliere protectiō de ceste tres-digne
 Mere de Dieu. Il a merueilleusement co-
 operé par son autorité, à l'establissement
 ou plustost affermissement de ceste nostre
 reforme qu'on vouloit estouffer en sa
 naissance. Que si S. Bernard dit, que c'est *Herodiana*
 vne malice d'Herode, & vne méchance- *malitia &*
 té Babilonienne, que de s'opposer au pro- *peruerfitas*
 grés & aduancement de la perfection Re- *Babilonica*
 ligieuse, qu'elle vertu aura-ce esté en no- *nascentem e*
 stre Grand President de cooperer si fer- *tinguere ve*
 uement aux intentions que Dieu fait *Religionem*
 paroistre qu'il a de voir toutes les Reli- *oritur, si q*
 gions plus parfaitement reglees dans son *resistit. Si q*
 Eglise? comme nous voyons que plu- *repugnat sa*
 sieurs s'y aduancent fort, & pouuons es- *uatore cu*
 perer que toutes se verront vnies en ceste *Herode pe*
 perfection, tandis que Dieu suscitera dans *sequitur &*
 l'esprit des Magistrats des inclinations *populos Is-*
 pieuses qui les portent à seconder les *raelitici fem*
 bons Religieux au desir qu'ils ont d'ap- *nis necare e*
 porter tousiours plus de splendeur & de *natur.*
 repos à l'Estat par leur vertu & sainteté
 de vie. Peut-estre estimera-on que les
 loüanges que ie donne au defunct ne
 soient fondées que sur les faueurs que
 nous auons receu de luy, mais pensent &

disent les enuieux tout ce qu'ils voudrôt.

J'aime mieux endurer leurs calomnies avec patience, que taire les tesmoignages de pieté de nostre bien-facteur avec ingratitude. Ses louanges sont d'ailleurs assez approuuées elles sont proferees par ma bouche mais elles sont renduës veritables par ses propres actiōs, & ie ne peux sans trahir & mon habit, & ceste Cōmunauté, & la verité, ne le louer point de tant de bien que nous auōs receude luy. Vous participez, Messieurs, aux bien-faits de nostre establissement en ceste ville qui nous fut oſtroyé en vne telle sepmaine que celle où nous sommes. Je vous supplie aussi de prendre part aux louanges que i'en donne à nostre deffunct pour les diligentes poursuittes qu'il en a faite. Si comme à Rome on solemnisoit les Fontinelles qui occupoit les Romains à faire des Couronnes pour jetter dans les fontaines, & en enuironner les puits, on celebrōit à Paris des Parlamentelles qui inuitassent les François à remercier ceste grande Cour, des grands biēs qui leur en reuiennēt comme de la source de leur repos & contentement: Ceste nostre Congregation occitaine reformee seroit la

ntinalia

vro. lib. 5.

ling. latina.

premiere à couronner vos portes , pour
 dans la recognoissance de ce bien-faict
 meriter par des vœux tous pleins d'af-
 fection, l'honneur de vostre protection.
 Les Religieux ne sont iamais tant obli-
 gés à personne qu'aux Magistrats qui leur
 font le bien de les maintenir : C'est pour-
 quoy nous ne pourrons iamais assez ho-
 norer la memoire du Deffunct pour ce
 poinct : Outre que ses autres actions de
 pieté nous fournissent assez d'occasion
 d'exalter sa vertu par toute la posterité.
 Combien de fois l'auons-nous veu par-
 my nos Religieux, mesmes avec les No-
 uices, reciter les heures de la bieu-heu-
 reuse Vierge ? Combien de fois a-il de-
 mandé aux Religieux de la Sainteté
 desquels il auoit le plus d'opinion, qu'ils
 luy donnassent leur benediction, iusqu'à
 l'extorquer par humilité & par prie-
 res, comme fit Iacob celle de l'Ange qui
 luittoit avec luy ? Mais que diray ie des
 larmes qu'on luy a veu jetter avec vne in-
 dicible contrition, lors qu'il vint en ceste
 Eglise pendant le Iubilé , s'abandonner
 aux ferueurs d'une sainte penitence ? Il
 pouuoit bien dire avec le Roy David,
Exitus aquarum deauxerunt oculi mei Là,

où saint Hierosme remarque qu'une autre versio porte, *diuisiones aquarum*. Vous luy avez veu tantost ietter des larmes haranguant pour le peuple, voyez le pleurer maintenât pour ses pechez. Ah ! qu'il estoit viuement touché quand leuant les yeux au Ciel, il y voyoit Dieu assis en vn Throsne d'où il iuge les Iustices, *sedisti super Thronum qui iudicas Iustitiam*, & non seulement il s'humilioit deuant Dieu, mais deuant son Confesseur : aux pieds duquel il pleuroit amerement ses pechez. Que Dieu deuoit auoir ce sacrifice de larmes pour agreable, & que les hommes se doiuent bien edifier de ceste humilité ! de voir celuy qui a fait trembler tant de monde par la pronontiation de tant d'arrests auoir peu r deuant vn simple Religieux, & y receuoir l'Arrest de la Penitence qu'il deuoit faire pour ses pechez. On a veu l'Empereur Theodose humilié deuant saint Ambroise, & receuoir de luy la penitence d'une faute publique, avec tant sousmission qu'il en a porté l'admiration dans les esprits de tous ceux qui en ont eu la cognoissance. Et pourquoy n'admirerons nous pas la sousmission de nostre grand President,

qui

qui reçoit avec larmes la loy d'un pauvre Religieux, luy qui en matiere d'affaires publiques la faisoit à tant de personnes; & puis Theodose pouuoit bien trembler deuant vn S. Ambroise : mais les pleurs qui sortoient des yeux de nostre deffunt en la presence de son confesseur ne pouuoient venir que de son humilité & contrition. Il est vray que puis que l'image seule de S. Ambroise estant presentee sur les murailles de Milan fit bien leuer le siege à l'Empereur Conrard qui auoit auparauant iuré sa ruine: la presence d'un Confesseur qui represéte la personne de Dieu, pouuoit bien esmouuoir son cœur & en tirer les souspirs qu'il a donné pour marque de sa penitence. Et c'est ce qui me fait croire que Dieu luy aura pardonné ses fautes, & qu'en fin comme par les merites de sa Magistrature il s'est immortalisé dans l'éternité, par les actions de pieté Chrestienne qu'il a exercees, il se fera acquies la participation de l'éternité, & ainsi vous voyez cōme pour auoir bien fait dans la course du temps, il aura mérité de paruenir à ces deux mesures superieures.

Ælian: lib.
4. var. hist.

Sape prorota
utendum in-
genio.

J'auray fait icy (Messieurs) comme ce Peintre ancien auquel on commanda de représenter vn cheual couché, & se veautrant dans la poussiere, il fit tout au rebours, il le fit voir en haleine, & courant de telle viffesse qu'a force de gratter la terre du mouuement précipité de ses jambes, il faisoit leuer vne nuée de poussiere dans laquelle il paroissoit à demy caché: celuy qui auoit fait faire le tableau ne le vouloit point receuoir, disant qu'il auoit demandé vn cheual couché non courant, Monsieur (repliqua le Peintre) renuersez seulement le tableau, & vostre cheual y paroistra en la posture que vous le demandez, & au lieu qu'il est maintenant en course, il semblera se veautrer dans la poussiere. Ceste Auguste assemblée demandoit-elle point de moy que ie fisse voir Monseigneur de Verdun couché dans la poudre de la terre? deuois ie point prendre pour theme ces paroles sorties d'une bouche Royale, *gloriam meam in puluerem deducam*, pouuois-je m'ouurir vn plus beau champ pour parler de la mort que d'enfeuelir dans la poussiere la gloire de ceste caduque

vie? c'est là où se vont rendre toutes les
 vanitez de nos esperances. C'est là où
 aboutissent toutes nos grandeurs, &
 les vains honneurs de ce monde, les ri-
 cheſſes & magnificences, tant de beau-
 tez ou naturelles ou fardées, tant de
 puiffances & de triumphes, tant de
 contentemens & reſiouiffances, doi-
 uent en fin ſ'aller precipiter dans la
 poudre de la terre. Nous ne ſommes en
 ceſte vie que comme deſſus vne mer
 pleine d'orage, & noſtre barque, fut el-
 le toute chargée d'or, & ancrée des
 plus belles esperances du monde, doit
 eſchoüer en fin contre vn eſcueil de
 cendre. Et ce pendant au lieu de repre-
 ſenter vn homme couché, ie l'ay fait
 voir courant, *ſine iniquitate cucurri & di-
 rexi*. Ouy, il a ſi bien fait en la courſe du
 temps, que ſes actions pleines de meri-
 te courent dans l'euiternité par les
 oreilles de tous ceux qui entendront
 volontiers parler de la vertu. Et ſa pie-
 té luy fera moisſonner dans le Ciel, les
 lauriers de l'eternité, qui doiuent eſ-
 cheoir par heritage à ceux qui comme
 luy auront cooperé par leur auctorité
 à l'aduancement & perfection du ſer-

uice de Dieu & del'Eglise. Que si quel-
 qu'un ayne mieux le voir couché dans
 la poussiere, il ne faut que renuerfer le
 tableau : mon discours luy fera voir
 l'un & l'autre, le narré de tant de belles
 actions iustifie les plaintes & gemisse-
 mens que l'on peut faire pour sa mort.
 Vous ne le verrez plus au Palais (Mes-
 sieurs) sa chere espouse ne le verra plus
 en sa Chambre. Ses amis ne le trouue-
 ront plus en leur conuersation. Les
 pauures ne le verront plus venir à leur
 secours. Et ceste Eglise ne sera plus le
 lieu des ferueurs de sa penitence. Et
 ce sont les causes de nostre douleur.
 Mais de donner tout à la mort, comme
 si elle deuoit triompher, & de sa vie &
 de nostre courage, ce seroit estre trop
 ignorans, & de son bon heur, & de l'es-
 perance que nous donne ceste magni-
 fique Cour, de faire reuiure de ses cen-
 dres des successeurs à ses charges & à
 ses merites. Non, la mort ne se peut
 vanter d'estre en possession de la pre-
 miere charge de ce beau corps? Voyla
 autant de premiers Presidens dont les
 merites & la pieté disputent avec no-
 stre deffunt, la gloire del'euiternité, &

de l'éternité qu'il possède.

Pauvre Frâce! mais plustost, Frâce toujours florissante, i'ay commecé par tes plaintes, & ie finiray par ta consolation.

Consurge, excutere de puluere; cesse tes ennuis maintenant, & apres auoir rendu les deuoirs de tes regrets à celuy auquel tu astant d'obligation, le considerant

Isaie 52.

dans la poussiere de la terre : Leue les yeux au Ciel pour le voir en vne gloire qui ne luy pourra iamais estre rauie par

Viuent mortui tui, expergiscimini Et laudate qui habitatis in puluere.

la mort: Il est vray qu'un petit caillou tombant de la montagne a tout à fait brisé ce grand colosse à la teste d'or &

Isaie. 26.

aux autres membres d'argent & de cuire, l'attaquant par des pieds de terre:

Ouy mais ce n'estoit qu'une statuë: ceux qui viuent comme des statuës avec des

testes d'or, c'est à dire qui ne sont pleines que du soin des richesses, perdans

tout à la mort, & se brisans contre le rocher de la Iustice diuine qui condamne

leur auarice, doiuent estre pleurez avec des larmes de sang: Mais nostre deffunt

n'a pas vescu en statuë, il est mort en vertueux Chrestien, & viura eternellement en Ange. Que si tu crains que ta

gloire ne se diminuë en la perte que tu

Lysaie 60. faits aujourdhuy, *Lena in circuitu oculos*
tuos & vide, omnes isti congregati sunt vene-
runt tibi. Voicy la ressource de ton bon-
 heur, ces seigneurs ne viuent que pour
 toy: Cen'est que pour toy qu'ils respi-
 rent. Il est vray qu'il est tombé vn grand
 arbre de ce florissant iardin de France,
 Dan. 4. *succidite arborem, & praevidite ramos eius, ex-*
cutite folia eius. Mais escoute les paroles
 quite consolent. *Verumtamen germen ra-*
dicum eius in terra sinit. Cette terre en fe-
 ra regermer d'autres. Elle est trop fer-
 tile pour manquer. Et pour moy, ie ne
 suis point de l'aduis de ceux qui croyēt
 que tout est perdu quand la nature qui
 ne nous peut promettre que du chan-
 gement met fin à la vie de ceux qui aussi
 bien ne pouuoient estre immortels en
 ce monde. Les arbres qui se despoüillēt
 en Automne, se reparent au Printemps,
 les herbes qui meurent Hyuer, en Esté
 se rauigorēt, & la nature en releue pour
 le moins autant qu'elle en abbat. Si
 tous les siecles passez ont eu de quoy
 se plaindre, ils ont aussi tous eu de
 quoy se loüer, & Dieu n'en a laissé pas
 vn qui ne t'aye veu pourueü de grand
 personages pour accroistre ta gloire.
 Et pour maintenant, tu ne peux esperer

Multi renas-
 centur que
 iam cecidère,
 cadentq; que
 nunc sunt in
 honore.

que du bon-heur soubs vn si iuste Roy,
appuyee que tu és sur tant d'excellens
hommes & grands esprits qui le cōseil-
lent avec vne prudence égale à la fide-
lité dont ils le seruent. De sorte qu'en-
cores que tu puisses dire que le temps s'e-
stant rendu ton ennemy t'aye rauy de
magnifiques personnages, neantmoins
Dieu t'en suscite & suscitera tous les
iours d'autres, qui, conseruant la me-
moire du deffunt (car le lendemain doit
toufiours du reste au iour de la feste) ac-
querront comme luy en cette course
du temps la gloire selon les hommes en
l'æuiternité, & selon Dieu en l'Eternité.

Que si ie vous deuois demander par-
don de quelque chose à la fin de ce dis-
cours (Messieurs) ce ne seroit pas de
n'auoir point pleuré parmy cest atti-
rail de mort. (les larmes eussent esté
trop disproportionnées à la grauité
d'vn si magnifique auditoire) mais bié
de ce qu'ayât tasché de satisfaire à mon
desir d'y messer vos louanges, ie n'au-
ray rien dit qui ne soit de beaucoup in-
ferieur à vos merites. Je ne vous y sçau-
rois auoir donné d'assez beaux epitetes.
Et puis qu'Agefilaus à ceux qui luy par-

*Vocat ad
uerbum me
tempus.
Thren. I.*

Themisto-
cles, conroit
à ce propos
aux Athe-
niens que la
feste respō-
dit au lende-
main qui la
mesprisoit.
Si ie n'auois
esté où se-
rois-tu?

*Plut. in fort.
Rom.*

loient de la grandeur du Roy de Perse,
 respondit qu'il ne pouuoit estre plus
 grand que luy, s'il n'estoit plus iuste,
 Rien ne paroistra iamais excessif au
 recit de vostre grandeur, veu que rien
 ne se peut adiouster à la perfection de
 vostre iustice, laquelle a tousiours esté
 si connaturelle aux François, que desia
 du temps d'Hannibal les Dames Gau-
 loises furent estimées plus capables de
 l'exercer, que les hommes des autres
 Prouinces.

Plut. és vert.
 faitz des fem.

FIN.



